

Kertas 3:
PERBEZAAN FAHAMAN POLITIK MENGGUGAT PERPADUAN KAUM: KAJIAN PERSEPSI BELIA

Muhammad Fahmi Ramli, Hafizuddin Gos Hambali, Raghinhy A/P Mohana Dass, Azra Hafizah Kamar, Amirah Husna Abdul Halim, Nur Farahana Zamri, Nur Nerina Aerisya Zameri, Nur Azuki Yusuff

Abstrak

Kertas ini ingin melihat sejauhmana perbezaan fahaman politik mengugat perpaduan kaum di Malaysia. Kajian ini juga bertujuan mendapatkan maklum balas daripada pelbagai peringkat umur dan kaum untuk menyuarakan dan memberi pandangan mengenai isu ini. Signifikan kajian ini adalah kerana Malaysia merupakan negara yang mempunyai pelbagai agama dan etnik yang dilihat mempunyai pelbagai perspektif mengenai politik di Malaysia. Dengan kepelbagaian kaum yang terdapat di Malaysia, kajian ini dapat melihat pelbagai reaksi dan pendapat yang berbeza-beza daripada mereka mengenai politik di Malaysia. Politik di Malaysia mengamalkan sistem demokrasi berparlimen di bawah pentadbiran raja berperlembagaan yang diketuai oleh Seri Paduka Baginda Yang di-Pertuan Agong. Pemimpin-pemimpin yang dilantik merupakan hasil undian daripada rakyat Malaysia yang bertanggungjawab untuk memilih setiap pemimpin yang mereka mahukan. Selain itu, dalam kajian ini juga, terdapat pelbagai aspek-aspek fahaman serta pemilihan pemimpin yang dipertengahan untuk mendapatkan maklum balas daripada setiap kaum. Hal ini kerana, terdapat beberapa isu yang berbangkit yang memberi impak dan persepsi pro-negatif mengenai politik di Malaysia.

Kata kunci: *Perbezaan politik, gugat perpaduan, belia*

Pendahuluan

Malaysia ialah sebuah negara yang mempunyai masyarakat majmuk hasil daripada penjajahan British suatu ketika dahulu. Kemajmukan masyarakat di Malaysia menjadikan politik negara ini bersifat unik. Perkembangan politik negara ini semenjak kemerdekaan, masih didominasi oleh politik perkauman dan perbezaan pendapat serta tuntutan hak yang dibuat oleh berbagai-bagai kelompok etnik menjadikan keputusan sukar dibuat demi keamanan negara. Parti-parti politik yang diwujudkan berlandaskan kepentingan sesuatu kelompok etnik juga menjadi penyumbang kepada konflik yang berbangkit. Perkembangan politik Malaysia berkait rapat dengan tiga kelompok etnik terbesar iaitu kaum Melayu, Cina dan India.

Beberapa puluh tahun dahulu, Malaysia mencapai kemerdekaan hasil daripada pembentukan kerajaan yang mengamalkan dasar akomodatif untuk mengimbangi tuntutan-tuntutan kaum yang pelbagai dan sering bertentangan. Politik yang mendasarkan perkongsian kuasa dan tuntutan kesamarataan telah mencetuskan tragedi rusuhan kaum 13 Mei. Pengamalan politik demikian tidak dapat mengimbangi kemunduran, terutamanya dari sektor ekonomi. Peristiwa 13 Mei tersebut menjadi titik perubahan konsep kerajaan di bawah pimpinan Tun Abdul Razak. Hagemoni Melayu yang berteraskan kekuasaan politik 'United Malays National Organisation' (UMNO) perlu dipertahankan. Inilah yang ditegaskan oleh beberapa sarjana seperti Zakaria Ahmad dan Ho Khai Leong.

Hagemoni Melayu itu telah membawa kepada segregasi politik yang menguntukkan masyarakat Cina dan India berjuang dalam parti etnik mereka sendiri iaitu MIC dan MCA namun berada Bersama UMNO di dalam barisan Nasional. Perkembangan tempo politik kepartian ini mencetuskan gerakan politik untuk menegakkan hak dan kepentingan mereka. Sehingga kini, perbezaan fahaman politik oleh kelompok-kelompok etnik ini boleh mempengaruhi isu perpaduan kaum di Malaysia.

- Fadilah, B. (2009). Pembangunan Politik Dalam Hubungan Etnik. Dilayari pada 17 November 2020, dari http://eprints.utm.my/id/eprint/14762/1/FadilahZaini2009_PembangunanPolitikdalamHubunganEtnik.pdf
- Gill, S. S., Ramli, M. R., & Talib, A. T. (2015). Kesedaran patriotik dalam kalangan belia bandar di Semenanjung Malaysia. *KRITIS: Jurnal Ilmu Sosial dan Ilmu Politik Universitas Hasanuddin*, 1(1), 111-120.
- Hadith, P. (2012). Perpaduan dan Persaudaraan: Dari Quran dan Hadith. Dilayari 25 November 2020, dari <http://www.ahmad-sanusi-husain.com/2012/09/perpaduan-dan-persaudaraan-dalil-dari.html>
- Haniffa, M. A. (2017). Konflik kaum selepas pendudukan Jepun di Tanah Melayu: kajian awal berasaskan sumber lisan. *Jurnal Peradaban*, 10, 16-37.
- Haniffa, M. A., & binti Mohamad, A. N. A. Impak Penjajahan British Dan Jepun Terhadap Hubungan Melayu-Cina Di Tanah Melayu The Effects of British and Japanese Occupations Towards Chinese-Malay Relationship in Malaya.
- Hanrahan, Gene Z (1971). *The Communist Struggle in Malaya*. University of Malaya Press, Kuala Lumpur.
- Nur Azuki Yusuff (2007) *Pengajaran Pengalaman Konflik Hubungan Etnik di Malaysia: Sorotan Faktor Berdasarkan Penganalisisan Masyarakat*. Kursus Induksi Modul Umum Kumpulan Pengurusan dan Profesional, Universiti Utara Malaysia.
- Nur Azuki Yusuff (2016) *Perpaduan etnik di Malaysia*. Kota Bharu: penerbit UMK
- Osman, S. (1979). Perkauman dan perpaduan. *Akademika*, 14(1).
- Othman, M. N. A., & dan Pengurusan, F. E. (2012). Diskriminasi dalam pasaran buruh: kajian kes di sektor swasta. *Prosiding Persidangan Kebangsaan Ekonomi Malaysia Ke VII*, 923.
- Perlembagaan Persekutuan Ulang Cetak. (2016). Dilayari pada 14 November 2020, dari <http://www.agc.gov.my/agcportal/uploads/files/Publications/FC/PERLEMBAGAAN%20PERSEKUTUAN%20ULANG%20CETAK%202016.pdf>
- Ridauddin Daud (2020). Sinaran harian: Cara menangani isu perkauman. Dilayari pada 7 Disember 2020, dari <https://www.sinarharian.com.my/article/65449/ANALISIS-SEMASA/Cara-menangani-isu-perkauman>
- Roslan.M. (2018). Isu-isu Sensitif dalam Masyarakat Majmuk. Dilayari pada 7 Disember 2020, dari http://eprints.um.edu.my/19625/1/ISU-ISU_SENSITIF_DALAM_MASYARAKAT_MAJMUK.pdf
- Sivamurugan Pandian, (2010). "Managing Diversity: From Independence To 1 Malaysia". *Managing Success in Unity*. Department of National Unity and Integration Prime Ministers Department. PUTRAJAYA.
- Zarif, M. M. M. (2016). Penghujahan rasional GAH: Satu Analisis. *HADIS*, 6(12), 21-3

Objektif Kajian

Kajian ini bertujuan untuk mengkaji persepsi masyarakat terutamanya belia Melayu, Cina Dan India terhadap isu perbezaan fahaman politik yang menjadi asbab tergugatnya semangat perpaduan antara masyarakat majmuk di Malaysia. Antara objektif khusus adalah seperti berikut:

1. Mengkaji tahap kesedaran terhadap isu perbezaan fahaman politik dan kesannya terhadap semangat perpaduan antara etnik di Malaysia.
2. Mengkaji persepsi belia daripada etnik yang berbeza terhadap isu perbezaan fahaman politik dan impaknya terhadap perpaduan rakyat.
3. Mengkaji persepsi belia terhadap pengaruh agama dan etnik dalam wujudnya perbezaan fahaman politik di Malaysia.

Metodologi

Kajian ini menggunakan kaedah tinjauan atau "survey" bagi merekodkan persepsi dan kefahaman masyarakat berbeza etnik di Malaysia terhadap isu perbezaan fahaman politik yang menjadi punca tergugatnya semangat perpaduan antara masyarakat. Kajian ini melibatkan seramai 100 orang responden yang terdiri daripada etnik Melayu, Cina dan India yang beragama Islam, Hindu, Kristian dan Buddha. Borang soal selidik diedarkan kepada responden melalui atas talian atau "Online Google Form".

Soalan yang dikemukakan terdiri daripada 9 soalan. Soalan-soalan yang dikemukakan antaranya termasuklah ciri-ciri yang penting dan diambil kira dalam mengundi semasa pilihan raya, persepsi masyarakat terhadap masalah perpaduan yang berpunca daripada perbezaan fahaman politik dan harapan masyarakat terhadap parti politik yang diundi.

Analisis Tinjauan

KATEGORI UMUR	BILANGAN RESPONDEN
21 - 23 TAHUN	54
24 - 26 TAHUN	17
27 TAHUN KE ATAS	29
JUMLAH	100

Jadual 1: Umur Responden

Berdasarkan dapatan kajian pada Rajah 1, responden yang berumur 21 ke 23 tahun ialah seramai 54 orang mewakili 54%. Responden yang berumur 24-26 tahun ialah seramai 17 orang yang mewakili 17% manakala responden yang berumur 27 tahun ke atas ialah seramai 29 orang yang mewakili 29%. Kajian ini menunjukkan bahawa jumlah responden yang tinggi ialah responden yang berumur 21 hingga 23 tahun diikuti dengan responden yang berumur 27 tahun ke atas dan responden yang berumur 24 hingga 26 tahun ke atas.

KATEGORI JANTINA	BILANGAN RESPONDEN
PEREMPUAN	63
LELAKI	37
JUMLAH	100

Jadual 2: Jantina Responden

Berdasarkan dapatan kajian di Jadual 2, bilangan responden perempuan ialah seramai 63 orang yang mewakili 63%. Bilangan responden lelaki ialah seramai 37 orang yang mewakili 37%. Jadual 2 menunjukkan jumlah responden perempuan yang menjawab kajian ini ialah lebih daripada jumlah bilangan lelaki.

Agama Responden	Bilangan Responden
Buddha	6
Hindu	16
Islam	73
Kristian	5
Lain-lain	0
Jumlah	100

Jadual 3: Agama responden

Berdasarkan dapatan kajian Jadual 3, bilangan responden yang beragama Islam ialah seramai 73 orang yang mewakili 73%. Bilangan responden yang beragama Hindu ialah seramai 16 orang yang mewakili 16%. Jumlah responden yang beragama Buddha ialah seramai 6 orang yang mewakili 6% dan yang beragama Kristian ialah seramai 5 orang yang mewakili 5%. Analisis survey ini menunjukkan bahawa jumlah responden yang paling tinggi ialah responden yang beragama Islam diikuti dengan responden yang beragama Hindu, Buddha dan Kristian.

Pengundi yang berdaftar	Bilangan Responden
Tidak	27
Ya	73
Jumlah	100

Jadual 4: Jumlah pengundi yang berdaftar

Berdasarkan Jadual 4, jumlah responden yang berdaftar sebagai pengundi ialah seramai 73 orang yang mewakili 73%. Seramai 27 responden ialah pengundi yang tidak berdaftar. Data kajian ini menunjukkan bahawa jumlah responden yang berdaftar untuk mengundi ialah lebih tinggi daripada jumlah responden yang tidak berdaftar. Daripada jumlah pengundi yang berdaftar, data kajian dihasilkan di Jadual 5 untuk menganalisis jumlah pengundi yang pernah mengundi dan tidak pernah mengundi.

Pengundi yang pernah mengundi daripada jumlah yang berdaftar	Bilangan	Peratus(%)
Tidak	34	47
Ya	39	53
Jumlah	73	100


Jadual 5: Jumlah pengundi yang pernah mengundi

Jadual 5 menunjukkan data kajian jumlah responden yang pernah mengundi selepas berdaftar dan jumlah responden yang tidak pernah mengundi walaupun sudah berdaftar. Berdasarkan data kajian di atas, daripada 73 orang responden yang berdaftar, hanya 39 orang yang mengundi yang mewakili 53%. Manakala, hanya 34 orang responden tidak mengundi walaupun sudah berdaftar yang mewakili 47%. Responden yang tidak mengundi kebanyakannya tidak mengundi kerana semasa pilihan raya lepas mereka tidak cukup umur dan lambat mendaftarkan diri. Terdapat juga responden yang mengatakan bahawa mereka malas untuk turut serta dalam pilihan raya.

Ciri-ciri yang penting semasa mengundi	Bilangan responden
Agama dan etnik	40
Agama dan etnik & Kecemerlangan akademik	22
Agama dan etnik, Kecemerlangan akademik, Populariti parti politik	2

Kecemerlangan akademik	26
Kecemerlangan akademik; Populariti parti politik	5
Populariti parti politik	5
Jumlah	100

Jadual 6: Ciri-ciri yang penting semasa mengundi



Rajah 1: Ciri-ciri yang penting semasa mengundi

Berdasarkan Rajah 1, responden memilih beberapa ciri-ciri yang mereka berasa penting semasa memilih pemimpin dan parti politik. Seramai 40 orang responden memilih agama dan etnik sebagai ciri-ciri yang penting. Seterusnya, seramai 26 orang memilih ciri kecemerlangan akademik manakala seramai 22 orang memilih dua ciri yang penting iaitu agama dan etnik serta kecemerlangan akademik. Seramai 5 orang memilih ciri populariti parti politik. Ciri seperti kecemerlangan akademik dan populariti parti politik ialah pilihan 5 orang responden yang lain. Seramai dua orang responden menyatakan bahawa ketiga-tiga ciri iaitu agama dan etnik, kecemerlangan akademik dan populariti parti politik ialah penting dalam pengundian.

Berdasarkan soal selidik tersebut, didapati bahawa seratus peratus responden bersetuju bahawa setiap pendapat berkaitan politik perlu dihormati meskipun ianya lahir daripada individu yang berbeza agama dan etnik. Hal ini demikian kerana, setiap individu mempunyai sisi pandangan yang berbeza berkaitan politik dan mereka berhak mengutarakan pendapat masing-masing selagi ianya tidak membangkitkan isu-isu sensitif seperti isu agama, kaum dan kepercayaan adat resam yang boleh mencetuskan selesaan masyarakat berbilang kaum di negara ini.

Sekiranya pendapat yang diutarakan melampaui batas dan menggugat keharmonian negara ini, ianya berhak dikritik namun kritikan tersebut hendaklah disampaikan dengan bernaas melalui medium yang betul sebagai contoh medium undang-undang. Malaysia merupakan sebuah negara demokrasi yang harmoni di mana setiap rakyatnya bebas bersuara. Oleh yang demikian, keunikan tersebut perlu dimanfaatkan dalam menambah baik situasi politik di negara ini.

Majoriti responden berpendapat sentimen perkauman dan agama dalam menilai sesuatu pendapat amatlah tidak relevan, sebaliknya, nilailah pendapat yang diutarakan tersebut berdasarkan idea yang ingin disampaikan, dan usaha yang ingin dilaksanakan dalam mencorak politik negara kearah yang lebih baik. Oleh yang demikian, setiap individu wajar diberikan peluang untuk melontarkan pendapat mereka berkaitan politik dan pandangan mereka wajar dihormati.

Melalui soal selidik ini, pelbagai pandangan diberikan oleh para responden berkaitan ekspektasi mereka terhadap ahli politik yang mereka pilih. Ada yang berharap pemimpin yang mereka pilih bijak dalam menstabilkan ekonomi negara dan ada yang menginginkan pemimpin yang dipilih dapat berkhidmat dengan seadilnya mengikut manifesto yang dijanjikan. Namun, akar umbi disebalik semua pandangan yang diberikan adalah mereka menginginkan seorang pemimpin yang berjiwa rakyat dan sentiasa berkhidmat untuk rakyat

dengan sebaiknya tanpa diskriminasi kaum dan agama. Para responden berharap pemimpin yang dipilih dapat menjalankan tugas dengan telus, amanah dan adil dalam membela nasib rakyat seterusnya mengemudi Malaysia ke arah yang lebih baik.

Seterusnya, berdasarkan persoalan tentang wujudkah masalah perpaduan yang dicetuskan oleh permainan politik dan apakah permasalahan tersebut, para responden bersetuju bahawa di negara ini sebenarnya masih wujud isu perpaduan yang timbul hasil permainan politik yang tidak matang. Sebagai contoh, wujud segelintir ahli politik yang menggunakan propaganda ketidakadilan kerajaan dalam menangani kebajikan rakyat yang berbilang etnik.

Selain itu, ada juga isu-isu sensitif yang tidak wajar dibangkitkan sebagai contoh isu agama dan adat dijadikan wadah oleh segelintir ahli politik untuk mempengaruhi minda rakyat demi kepentingan peribadi. Hal ini menimbulkan persengketaan yang kurang menyenangkan terutamanya di wacana maya seperti media sosial. Majoriti, golongan yang terpengaruh dengan hasutan tidak berasas ini adalah anak-anak muda yang kurang pengalaman dalam hal politik.

Para responden mengakui bahawa permasalahan ini bukanlah suatu isu yang dominan dalam perpaduan masyarakat kini namun sekiranya ia tidak diambil serius dan terus diabaikan, para responden bimbang masalah ini bakal berlarutan dan mungkin mengganggu gugat keharmonian negara pada masa hadapan. Oleh yang demikian, para responden berharap agar setiap ahli politik di negara ini berpolitik dengan lebih matang, memperjuangkan isu-isu kebajikan rakyat demi kemaslahatan semua kaum berbanding memperbesar masalah perkauman yang sama sekali tidak pernah wujud pada akarnya.

Analisis berkaitan tahap kepuasan responden terhadap keadaan politik di negara ini menunjukkan majoriti responden kurang berpuas hati dengan senario politik kini. Mereka menyatakan bahawa perasaan kurang senang ini timbul semelihat gelagat segelintir ahli-politik kini bercanggah pendapat dan bertikam lidah menginginkan kuasa pemerintahan tertinggi tanpa memikirkan kebajikan rakyat terutamanya dalam situasi sukar sedilanda pandemik Covid-19 belakangan ini.

Selain itu, keadaan situasi perbincangan di dewan parlimen misalnya jelas menunjukkan kurangnya sikap tolak ansur dan diskusi bernas antara pihak kerajaan dan pembangkang dalam menyelesaikan permasalahan rakyat dan negara. Sebagai rakyat yang hanya mampu menonton perbalahan yang tercetus di dewan parlimen disebalik kaca televisyen, majoriti responden menyatakan bahawa mereka kecewa dengan situasi politik kini. Masih banyak kekurangan yang perlu dibaiki dan mereka amat berharap agar setiap pemimpin yang dipilih lebih bersifat patriotik dan berkhidmat dengan sebaik mungkin dalam memperjuangkan nasib rakyat, bukannya menjalankan tugas untuk kepentingan peribadi semata-mata.

Perpaduan yang ada pada kini mungkin pada zahirnya terlihat kukuh, namun dengan adanya suara-suara sumbang yang masih melaga-lagakan kaum di sebalik keharmonian yang dimiliki kini, bimbang bakal membuatkan kesepaduan ini retak dan akhirnya pecah pada masa hadapan. Oleh yang demikian, segala punca yang boleh memangkinkan permasalahan ini menjadi lebih besar misalnya masalah politik kepertian yang dinyatakan di atas hendaklah dibendung sebaiknya.

Perbincangan

Melihat kepada hasil dapatan kajian, hubungan di antara topik utama iaitu "Politik memecah belahkan perpaduan" dapat dibuat dengan mengambil kira dari segi faktor umur, jantina, agama. Kajian ini mengupas setiap satu faktor yang boleh dikata merupakan antara unsur penting dapat menentukan hala tuju politik di negara ini.

Perkara pertama yang dibincangkan adalah dari segi faktor umur. Daripada tinjauan kajian yang dilakukan, umur responden yang tertinggi dalam menjawab soalan-soalan kajian berkaitan isu politik adalah di dalam lingkungan 21 hingga ke 23 tahun. Manakala yang kedua tertinggi adalah di dalam lingkungan 27 tahun ke atas dan untuk responden yang berumur di dalam lingkungan 24-26 tahun hanyalah sebanyak 17 orang sahaja. Dari sini, dapat nyatakan mengapa responden dari lingkungan umur 21 hingga 23 tahun adalah yang paling ramai, ini kerana sewaktu di dalam fasa umur inilah anak-anak muda mula diperkenalkan dengan alam politik dan juga mula dipengaruhi pemikirannya oleh sesetengah parti politik sama ada di peringkat institusi mahupun peringkat yang lebih tinggi seperti Kerajaan. Di dalam fasa umur ini jugalah seharusnya ibu

bapa yang merupakan orang yang dianggap lebih berpengalaman seharusnya menceritakan hal sebenar mengenai isu-isu yang ada di Malaysia agar mereka lebih peka dalam membuat pilihan.

Seterusnya perbincangan dari segi faktor jantina dan kaum. Berdasarkan jadual yang ditunjukkan, lelaki lebih mendominasi tentang isu politik, ini kerana sudah menjadi satu normalisasi bahawa lelaki itu bersifat kepimpinan, namun pada zaman sekarang wanita juga layak memegang jawatan tinggi di dalam bidang politik dan kerajaan, perkara ini dibuktikan oleh Datuk Seri Dr. Wan Azizah Wan Ismail yang pernah menjawat jawatan sebagai Timbalan Perdana Menteri yang pertama di Malaysia pada tempoh pemerintahan yang lalu. Kini wanita juga mampu berjuang bersama dalam menyuarakan pendapat mereka. Dari segi faktor agama pula, masyarakat dapat melihat bahawa responden yang beragama Islam merupakan responden terbanyak yang menjawab soalan-soalan didalam kajian yang dilakukan. Secara konklusinya, kaum melayu mengambil serius apabila membicarakan isu politik, malahan sudah terang lagi bersuluh kebanyakan parti-parti politik pada zaman sekarang ditubuhkan oleh kaum Melayu itu sendiri yang mempunyai pandangan pendapat dan ideologi yang berbeza. Dek kerana perbezaan itu nilai persaudaraan diketepikan. Di sini dapat dikatakan bahawa interaksi di dalam sesetengah kaum itu sendiri juga memainkan peranan penting untuk mengelakkan perpecahan kaum. Untuk responden yang beragama Hindu, Buddha dan Kristian yang menjawab soalan kajian pengkaji berkemungkinan mereka adalah individu-individu yang berfikir secara menyeluruh dan merasakan politik memainkan peranan penting didalam menyuarakan pendapat mereka yang dikategorikan sebagai kaum minoriti.

Selain itu, kajian ini juga mengambil kira faktor yang melibatkan jumlah pengundi yang berdaftar dan jumlah pengundi berdaftar yang pernah mengundi, ini kerana setiap undian adalah dikira dan merupakan satu langkah kecil dalam meletakkan hala tuju masa depan negara. Mungkin sesetengah individu mengambil remeh akan perkara ini tapi tanpa mereka sedari masyarakat itu sendiri diberi peluang untuk memilih calon pemimpin dan mengubah takdir negara itu.

Untuk faktor yang terakhir dan merupakan faktor paling utama apabila membicarakan isu yang berhubungkait diantara kaum, agama dan politik ianya adalah ciri-ciri yang dilihat sewaktu proses pengundian calon pemimpin. Di sini pengkaji ingin membincangkan apakah ciri-ciri yang diukur untuk menjadi seorang pemimpin, dan pengkaji juga menyenaraikan beberapa ciri yang dianggap penting semasa proses pengundian. Hasilnya kebanyakan responden memilih ciri agama dan etnik seseorang calon pemimpin itu adalah yang paling utama sewaktu pemilihan calon dan diikuti pula oleh kecemerlangan akademik calon tersebut. Boleh dikatakan disini bukanlah niat pengkaji untuk cuba mambangkitkan isu perkauman apabila menekankan mengenai agama dan etnik calon pemimpin tersebut tetapi ini disebabkan apabila meneliti semula mengapa pemimpin dipilih berdasarkan agama dan etnik adalah kerana peraturan yang digubai dalam Perlembagaan Persekutuan itu sendiri yang menyatakan Perkara 3(1) memperuntukkan agama Islam sebagai agama persekutuan tetapi agama-agama lain masih tetap boleh diamalkan dengan aman dan damai dimana-mana bahagian persekutuan. Jadi konklusinya, tujuan sebenar parti politik itu sendiri adalah untuk memperjuangkan dan menyuarakan hak dan suara rakyat yang berbeza kaum dan agama dan bukanlah dijadikan sebagai satu landasan untuk memuaskan kehendak sendiri sehingga melanggar segala peraturan yang ditetapkan. Perbezaan etnik bukanlah satu halangan untuk mencipta perpaduan di Malaysia tetapi halangan sebenar adalah pemikiran dan nilai yang diamalkan oleh seseorang individu itu sendiri, adakah kearah kebaikan atau keburukan.

Rumusan

Berdasarkan kajian dan responden yang dibuat, apa yang dapat dirumuskan bahawa kebanyakan masyarakat Malaysia bersetuju bahawa politik memainkan peranan yang penting dalam kehidupan bermasyarakat yang berbilang kaum di Malaysia. Untuk menyampaikan sesebuah pendapat terutamanya berkaitan dengan sesebuah kaum, ia hendaklah disampaikan dengan menggunakan medium yang tepat bagi mengelakkan sebarang salah-faham yang boleh membangkitkan sentiment yang menggugat keselamatan negara. Malahan juga, ahli politik hendaklah memainkan peranan yang penting dalam memajukan masyarakat tanpa berpihak pada satu-satu pihak yang berkepentingan buat mereka sahaja. Melalui kajian ini, dapatlan dirumuskan bahawa, ahli politik yang dapat menjalan tugas dengan amanah dan adil, akan dapat memacu masyarakat

dan negara Malaysia ke arah yang lebih baik dimasa hadapan. Selain itu, kajian ini juga bersetuju bahawa masih wujud masalah perkauman dalam kalangan rakyat Malaysia melalui propaganda ahli politik bagi mengaut kepentingan masing-masing. Melalui permasalahan ini, wujudnya ketidakpuasan hati dikalangan masyarakat apabila ahli politik hanya mementingkan diri masing-masing sahaja. Ahli politik seharusnya memainkan peranan yang lebih proaktif bagi memelihara dan menanamkan semangat perpaduan diantara masyarakat. Akhir kata, politik seharusnya digunakan dengan cara yang baik sebagai alat untuk menyatupadukan rakyat Malaysia dan ahli politik hendaklah memainkan peranan yang penting bagi memelihara perpaduan yang dicapai oleh negara ini sejak kemerdekaan lagi.

Rujukan

- Ketepi sentimen etnik, jalin kesepakatan masyarakat majmuk. (2020, September 19). Berita Harian. <https://www.bharian.com.my/kolumnis/2020/09/732943/ketepi-sentimen-etnik-jalin-kesepakatan-masyarakat-majmuk>
- Bayan linnas Siri Ke-209: Politik dalam Islam. (2019, 8). Pejabat Mufti Wilayah Persekutuan. <https://muftiwp.gov.my/artikel/bayan-linnas/3630-bayan-linnas-siri-ke-209-politik-dalam-islam>
- Islam Dan politik. (2020, January 31). HarakahDaily. <https://harakahdaily.net/index.php/2020/01/31/islam-dan-politik/>
- Nur Azuki Yusuff (2016), Modul Hubungan Etnik, Kota Bharu: Universiti Malaysia Kelantan
- Nur Azuki Yusuff, Nik Yusri Musa, Wan Sopian Sori (2012) *Faktor utama konflik etnik dan kemampuan gagasan 1Malaysia menurut perspektif mahasiswa*. Regional Conference on Values and Humanities (RECOVH) 2012: Universiti Malaysia Kelantan.
- Nur Azuki Yusuff , (2007) *Pengajaran Pengalaman Konflik Hubungan Etnik di Malaysia: Sorotan Faktor Berdasarkan Penganalisan Masyarakat*. Kursus Induksi Modul Umum Kumpulan Pengurusan dan Profesional: Universiti Utara Malaysia.
- Nur Azuki Yusuff , (2009) *Pembangunan 1Malaysia : isu persaudaraan masyarakat islam dan bukan islam melalui aktiviti kerja sosial*. In: Seminar Kemahiran Insaniah Dan Kerja Sosial 2009 (SKIKS 09); Universiti Teknikal Malaysia Melaka
- Pembentukan masyarakat majmuk Di Malaysia. (2009, September 3). Mendaulatkan Martabat Bangsa. Politik Belia Dan Pilihan Raya Umum Ke-14 Di Malaysia. (n.d.). UKM e-Journal System. <https://ejournal.ukm.my/ebangi/article/viewFile/41589/10813>

e-prosiding
Wacana Perpaduan
Kalangan Belia
Era PKP 2.0



Penyelenggara
Nur Azuki Yusuff
Muhammad Hafizuddin Huji



Hak cipta FBI 2021

Hak cipta adalah terpelihara. Setiap bahagian daripada terbitan ini tidak boleh diterbitkan semula, disimpan untuk pengeluaran atau dipindahkan kepada bentuk lain, sama ada dengan cara elektronik, mekanikal, gambar, rakaman dan sebagainya tanpa izin daripada Fakulti Pengajian Bahasa dan Pembangunan Insan


WACANA PERPADUAN KALANGAN BELIA ERA PERINTAH KAWALAN PERGERAKAN (PKP) 2.0
e-ISBN 978-967-2912-49-1

Diterbitkan oleh:

Fakulti Pengajian Bahasa dan Pembangunan Insan,
Universiti Malaysia Kelantan,
Kampus Bachok, 16300,
Bachok, Kelantan.
Telefon: +609-779 7445
Email: fbi@umk.edu.my



e ISBN 978-967-2912-49-1



9 7 8 9 6 7 2 9 1 2 4 9 1

